



UNIVERSITÄTS-  
BIBLIOTHEK  
PADERBORN

**De Ivre Sistendi, Et Manvum Iniectione, Qvam Vvlgō  
Arrestationem Vocant, Svccincta Explicatio**

**Peck, Pierre**

**Antverpiæ, 1589**

De pœna Apparitore extraterritorium arrestantis. Caput 22.

---

[urn:nbn:de:hbz:466:1-63495](https://nbn-resolving.org/urn:nbn:de:hbz:466:1-63495)

De Jure Sistendi.

& Apparitores sese immiscere rebus, ad alios inferiores pertinentibus non possunt. Ordine enim cuncta in Repub. fieri comparatum est, ea ratione, quam natura quoque rebus ostendit, unde harmonia, seu concors rerum symmetria exurgit.

De pœna Apparitoris extra territorium arrestantis. Cap. 22.

ARGUMENTA.

- Apparitor quando carcerari potest. nu. 1.  
Regij Viatores, an possint ab inferiori magistratu in-  
carcerari. nu. 2.  
Cautela pro eo qui fecit arrestum perperam. nu. 3.  
Index inferior quando animadvertat in Apparito-  
rem regium. nu. 4.  
Apparitor egrediens limites sue potestatis tenetur  
iniuriarum. nu. 5.

**C**VLPA est, ut ait Pomponius, immiscere se rei ad se non pertinenti. l. culpa. ff. de reg. iur. Apparitor igitur qui in loco & intra limites suæ functionis nō manet, sed pro libidine sua, quod ad se non pertinet, & in alio loco ubi hoc illi permissum non est, arrestare audet, adeoque alienæ rei citra legis administriculum sese immiscet, culpa carere non potest: turbato namque ordine facit quod sua minus interest; nisi fortè propter periculum fugæ debitoris, ut ait Paris de Puteo, in tract. de syndic. ad verb. clericus. cap. 2. Sed qua ratione & quo modo, hæc culpa, quæ pœnam vti que requirit. l. ita vulneratus. ff. ad l. Aquil. coerce-

coercebitur, quibusque tãdem vinculis reprimetur audax, hoc & temerariũ facinus, quãri solet. Sanè Ludouicus Romanus, qui pro ætate sua multa in iure & in foro, diligenter considerauit, ad l. nolle adire. nu. 3. versic. quinimo nedum. ff. de acq. hered. respondit, eiusmodi apparitorem & nũcium vinculis mancipari, & in carcerem coniici posse. Nam & Iustinianus, executorem qui clericum ad vetitum tribunal laici Iudicis euocauit, ab Episcopo loci, in loco decanica detrudi posse constituit. authen. causa quæ. C. de episco. & cler. quod & Bal. ibi, versi. vltimè nota. sequitur cũ glo. in §. j. in authent. apud quos oport. caus. dic. monach. col. 6. Porro autem Petr. Rebuffus ad ord. reg. tomo 2. titul. de literis requisit. glo. 3. num. 3 2. versi. non poterit, scribit quod non potest dominus loci detrudere in carcerem Viatorem Regium exequẽtem literas regias, sine literis requisitoriis, vt fuit pronũciarum Burdegaliæ, prout refert Boerius q. 8. Sed arrestare equum illius poterit, inquit, nisi Seruiẽs executioni à se perperam & sine permisso Iudicis factæ renunciaret; quia tunc nõ debet equus eius teneri; Ideo cautela est, quando Seruiens temerariè & perperam fecit executionem, vt illi renunciaret, secũdum eundem Rebuffum. Cæterum Ioannes Imbertus Ruppelanus, Instit. forens. cap. j. secutus Fabrum ad l. in officiales. C. de offic. rect. prouinc. per illum textum asserit, verum quidẽ esse quod Iudex loci communiter manum in Appari-

O iij toris

toris huiusmodi equum iubet iniiciendam,  
 quo ad iudicio se sistat: & ei nonnunquam diē  
 dicit, ut per se respondeat; aliquādo verò car-  
 cere detentum causam dicere cogit, quoties  
 iniussu illius Iudicis aliquem iurisdictioni e-  
 ius mancipatum, Apparitor apprehenderit, ut  
 pro iudicatis arbitrio eius temeritas mulctetur.  
 Verum Iudex alius quàm Regius, non  
 potest in Apparitores Regios animaduertere:  
 Ita ut quis Iudices inferiores ius persequendi  
 aut ad summū prehēdēdi hos Apparitores ha-  
 berēt, per d. l. in officiales. oportet tñ eos ad Se-  
 natū, qui iustā pœā infligere possit, transmi-  
 ttere. l. 2. C. de offi. mag. mili. Atqui Guid Pape  
 nobilis Gallix practicus, non absimilem que-  
 stionem tractans quæst. 328. incip. Seruiens.  
 respondit Iudicem inferiorem posse punire  
 Seruientem Curix, dummodo hoc significet  
 Curix illius superiori. Quæ sentētia Guidois,  
 nō tam multum ab his quæ dicta sunt ex Re-  
 buffo & Imberto, discrepat, quàm fortē ali-  
 quibus prima facie videtur; Nā si carceri mā-  
 cipatus aut aliter detentus sit Apparitor, Iu-  
 dex qui manus in eum iniecit, Senatui hoc  
 quod factum est significabit, & repenti re-  
 mittet illic puniendum. Cæterum si Senatus  
 non repetat, aut non respōdeat, vel aliter dis-  
 simulet, correctio inferioris in eiusmodi Ap-  
 paritorem procedet, teste Chassa. ad consuet.  
 Burg. des iustices & droictz. Rubr. L'amēde  
 de simpl. recouffe. §. 7. ad verb. L'amēde. nu.  
 43. versic. Quinta conclusio. Tutius est sanē  
 hocca-

hoc casu eueniente, certum Senatus respon-  
sum expectare: Pluraque de his, d. loco apud  
Boerium vide. Ad actionē iniuriarum quod  
attinet, nihil hæsitandum est; huiusmodi enim  
Apparitor per illicitam arrestationem & lu-  
dici & parti læsæ iniuriam facit. cap. ex parte,  
de verbo. sign.

Quæ sit pœna eius, qui se Apparito-  
rem esse simulat, cum non sit.

Caput 23.

*ARGUMENTA.*

*Nuncius falsus de falso tenetur.* nu. 1.

*Comitem, Doctorem, seu Magistratum se simulans  
cum non sit, falsi crimen contrahit.* nu. 2.

*Tabellionis officio fungens, qui nunquam Tabellio  
fuit, qua pœna puniatur.* nu. 3.

*Jurisdictionem non habens, sed habere simulans, quo  
modo puniatur.* nu. 4.

*Apparitores, ut plurimum maligni, infames, ac vi-  
les sunt.* nu. 5.

*Apparitor simulans se mandatum arrestandi ha-  
bere qua pœna teneatur.* nu. 6.

**A**NTIQUITAS nihil aliud existima-  
bat esse Deum; quam prodesse morta-  
libus; ex quo prouerbiū natum est, Homo  
homini Deus. Sed quoniam paulatim abun-  
dare cepit iniquitas, & refrigescere charitas,  
ut est apud Mathæum 24. cap. Homo homini  
lupus factus est, milleque nocendi artes adin-  
uentæ sunt, quibus fraude & dolo, alter in al-  
terius fortunas irrumpat, & proximi honorē

o v conuel-